



Broj: 01/05-04-2576/26
Sarajevo, 23.03.2026. godine

Na osnovu člana 22. stav (2) Odluke o izvršavanju Budžeta Grada Sarajeva za 2026. godinu („Službene novine Kantona Sarajevo”, broj: 1/26), a u vezi sa članom 42. stav 1. tač. g) Statuta Grada Sarajeva („Službene novine Kantona Sarajevo“, broj 7/23), i na osnovu člana 13. Odluke o uslovima i načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj: 51/21 i 2/25), gradonačelnik Grada Sarajeva raspisuje:

JAVNI POZIV

za finansijsku podršku iz Budžeta Grada Sarajeva za 2026. godinu, udruženjima i fondacijama od posebnog značaja za Grad Sarajevo

1. Javni poziv je namijenjen isključivo udruženjima/fondacijama koja/e su ostvarila/e status udruženja/fondacije od posebnog značaja za Grad Sarajevo, na osnovu pojedinačnih odluka Gradskog vijeća Grada Sarajeva i u skladu sa Odlukom o uslovima i načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj: 51/21 i 2/25).
2. Sredstva za realizaciju Javnog poziva obezbijedena su u Budžetu Grada Sarajeva za 2026. godinu („Službene novine Kantona Sarajevo”, broj: 1/26) na poziciji 614300: Tekući transferi neprofitnim organizacijama: Udruženja od posebnog značaja za Grad - Javni poziv, u ukupnom iznosu od 220.000,00 KM.
3. Učesnici koji se prijavljuju na Javni poziv, dužni su da dostave potpunu dokumentaciju (original ili ovjerena fotokopija), kako slijedi:
 - a) Zahtjev - prijava na javni poziv za sufinansiranje iz sredstava Budžeta Grada Sarajeva za 2026. godinu;
 - b) Dokaz o upisu u registar kod nadležnog organa (Rješenje o upisu ili Izvod iz Registra);
 - c) Porezni identifikacioni broj (ID broj);
 - d) Broj transakcijskog računa (ugovor sa bankom ili potvrda banke o otvorenom računu).

Način podnošenja prijave

Prijave na Javni poziv podnose se u roku od 15 dana od dana objavljivanja istog na službenoj web stranici Grada Sarajeva (www.sarajevo.ba), lično na protokol u zatvorenoj koverti ili putem pošte na adresu Grad Sarajevo, Gradska uprava, Gradska služba za lokalnu samoupravu, Ćemaluša broj 9, sa naznakom „Javni poziv za finansijsku podršku iz Budžeta Grada Sarajeva za 2026. godinu, udruženjima i fondacijama od posebnog značaja za Grad Sarajevo“.

Neblagovremene i nepotpune prijave neće biti uzete u razmatranje.



Analiza, obrada i doznačavanje finansijskih sredstava

Za analizu, obradu, te evaluaciju pristiglih zahtjeva bit će formirana Komisija za obradu i analizu pristiglih prijava na Javni poziv za finansijsku podršku iz Budžeta Grada Sarajeva za 2026. godinu, udruženjima i fondacijama od posebnog značaja za Grad Sarajevo (u daljem tekstu: Komisija). Komisiju imenuje Gradonačelnik posebnim rješenjem. Pristigle prijave na Javni poziv, sa kompletnom dokumentacijom, Gradska služba za lokalnu samoupravu upućuje na sjednicu Komisije. Komisija razmatra pristigle prijave, te mišljenje sa prijedlogom iznosa sredstava za finansijsku podršku udruženjima/fondacijama, dostavlja Gradonačelniku na saglasnost. Nakon što Gradonačelnik da saglasnost na mišljenje Komisije, nadležna služba priprema pojedinačne ugovore, koje potpisuju Gradonačelnik i ovlaštene osobe udruženja/fondacija od posebnog značaja za Grad Sarajevo. Nakon zaključivanja ugovora, odobrena finansijska sredstva će biti uplaćena na račun korisnika.

Pravdanje dodijeljenih finansijskih sredstava

Udruženja/fondacije, korisnici finansijskih sredstava, dužni su namjenski utrošiti odobrena finansijska sredstva i opravdati ista dostavljanjem izvještaja o namjenskom utrošku sredstava, do kraja kalendarske godine.

Izvještaj o namjenskom utrošku sredstava korisnik je obavezan dostaviti na obrascu finansijskog izvještaja koji je dostupan na službenoj stranici Grada Sarajeva, uz koji dostavlja i relevantnu finansijsku dokumentaciju.

Sve dodatne informacije mogu se dobiti u Gradskoj službi za lokalnu samoupravu, putem kontakt telefona: 033/407 434, 033/407 414, 033/407 965.

GRADONAČELNIK

Samir Avdić, s.r.